

《杨明秋传》

明秋公者，字福生，任春公二房国城公裔，启有公之孙也，民国三十七年，戊寅闰月流火之辰诞于萍乡湘东。萍乡地势，自是钟灵毓秀，湘赣通衢；湘东地貌，素承脱俗含芳，吴楚咽喉。其人怀瑾握瑜，地孕千祥之气。髫龄即显颖慧，断字识文；总角已露锋芒，循规明理。严父授以《四知》家训，常悬白璧冰心；慈母教以《三立》箴言，早树青云素志。及至束发之年，恰逢家国鼎革，遂负笈萍乡煤校，数载寒窗，探赜索隐于地脉；五更灯火，钩深致远乎矿经。铁砚磨穿，终成采冶利器；韦编绝断，始得探勘真传。

辛丑岁稔，持筹握算，分职韶关曲仁矿务局。凿岩剖石，尝履虎尾而慎终；测脉量储，每临深渊以兢业。身披星斗，常携罗盘探幽壑；足踏凌霜，时持测杆量玄冥。解连环而破井巷迷局，运筹帷幄；调鼎鼐以平采掘纷争，折冲樽俎。廿载劬劳，栉风沐雨，终使乌金焕彩，玄玉流光。及至改革潮涌，膺命鹏城，执掌莲塘石矿。当筭路蓝缕之际，夙夜在公；处百业草创之时，宵衣旰食。立章程以振纲纪，若子产铸刑书；施良

策而增效益，效名贾而通货值。立安全之铁律，如设金城汤池；创环保之新规，似布甘霖澍雨。由是口碑载道，德望日隆，遂使顽石点头，荒丘献宝。

戊寅荣休，未效东篱采菊；古稀创业，偏师西泠铸章。浩然正气，镌金石而传雅意；方寸乾坤，运铁笔以寄丹心。摹秦汉印风，刀走龙蛇追籀篆；承明清遗韵，朱留斑驳见精神。更以_三四知_三铭座右，常悬明镜鉴初心；时以_三立_三训儿孙，永葆冰壶存壮志。处膏腴而守清操，陋室簞食犹自得；临利诱犹持劲节，展豪情更秉高风。暮年更添义举，捐资助学如润物甘霖；皓首愈显仁心，扶危济困似及时春雨。

赞曰：

明参日月耀千秋，

石魄金魂壮志酬。

祖训四知弘正气，

南山松柏自昂头。

时维公元二〇二五年乙巳岁仲春月

一〇一世道清敬撰

纶昆赞

杨门承厚土，世业秉丹忱。

坤德滋嘉木，忠诚耀古今。

道清撰

杨明世赞

杨门芳俊彦，明德继先勋。

世泽躬耕远，高风亮节芬。

道清撰

族谱重修源流长，宗亲欢聚耀祖堂。
昔日先祖别离苦，拓土创业勇开疆。
祖辈荣光传千古，家族渊源孕华章。
五湖四海寻根脉，华夏神州聚一堂。
重修族谱启新篇，枝繁叶茂后裔强。
家族昌盛铭青史，世代传颂功名扬。
丹青祖谱千秋旺，亲情永恒岁月长。
弘农四知代代传，福泽绵延万世昌。